

等集衆德三昧經卷上

此經子卷

及

西晉三藏法師竺法護譯

聞如是一時佛遊於維耶離大樹重閣精舍與大比丘衆俱比丘一萬皆學戒具足曉了聖達菩薩二萬悉不退轉速諸惣持辯才無礙悉得神通分別解暢定意所行心性進止

何

而甚堅強懷來智慧善權方便度於彼岸其名曰意行菩薩吉意菩薩上意菩薩持意菩薩增意菩薩金剛意菩薩無限意菩薩法意菩薩慈氏菩薩溥首菩薩鉤鎖菩薩釋梵四天王及諸天子萬四千人亦皆來會爾時世尊與無央數百千之衆眷屬圍遶而

為說經欲放軀命自期三月當取滅度

鉤鎖菩薩即從座起更整衣服偏袒右肩長跪叉手而白佛言甚哉如來欲捨壽命期於三月當般泥洹世尊惟說諸菩薩護菩薩救攝菩薩所說菩薩所現菩薩所殖衆德之本不斷佛教將濟法眼恩惠聖衆不捨羣生為

講說法超無為道如來滅後法澤廣被菩薩大士不廢無上正真之道常不離佛聽經供僧而立要志心意堅固遵法散誼其念所趣靡不覺達體解所歸多所殊越恒懷慙恥自淨無犯所慮慷慨威儀具足所建勇猛降制勞穢伏諸欲垢無所畏憚遊于衆會而不忘

難衣毛不豎惟天中天云何菩薩大士進益衆德不乏智慧不違禪定所慕道心未嘗缺廢內性弘毅結友究竟至于滅度言行相副所遵佛法無有邪偽常護正戒所聞不惑攝淨三禁而常忍辱每行等心無有暴慢向於黎元善修精進心無懈歇諸所應行一切成辦一心行禪其意安庠曉了正受一切所湊志建智慧離于邪見六十二疑於諸訓典明練光達離所當救納而行四恩弘濟多護天上世間遠離所樂常念無常心如門闡住諸通慧意不存慕聲聞緣覺光闡法教降制魔怨及諸外道念宣法王所講風化崇順法誨

不求天人如佛之教以法為業不貪衣食無
有愛欲廣度一切釋除恚恨愍哀羣生消却
愚癡於一切諸魔埃垢行權方便無邊之慧
部分普勸佛告那羅延晉言力士菩薩曰善
哉善哉多所哀念多所安隱愍傷諸天世間
人民乃問如來如斯之誼諦聽諦聽善思念

之當為仁說菩薩大士所行殊特無量之德
鉤鎖白佛願樂欲聞鉤鎖菩薩及與眾會受
教而聽

佛言有三昧名等集眾德假使菩薩逮斯定
者眾德進益不乏智慧不違禪定所慕道心
未曾闕廢心性弘毅未嘗離佛恒聞經法供

養聖眾行于四恩彼如是已不捨羣生於時
世尊咨嗟等集眾德三昧宣揚其名默然無
言是時維耶離大城中有大力士名維摩羅
唎移晉言離心自念言吾為力士於斯天下
力勢強盛無有倫匹曾聞沙門瞿曇猛勢無
量其力巍巍摠要有十體諸骨解猶如鉤鎖

而得自在吾欲往試觀銓其道於我孰愈念
已尋出維耶離城往詣大樹重閣精舍欲觀
世尊而見如來與無央數百千之眾眷屬圍
遶而為說經照臨大會猶如須彌超現大海
瞻覩威容神曜光光心懷踊躍不能自勝稽
首佛足却坐一面佛知力士心之所念欲為

療除憍慢貢高自用之穢便告賢者大目捷
連吾憶往昔為菩薩時兄弟賭射彎弓放箭
箭所至處汝今攝取釋女瞿夷欲充所用目
連對曰唯然世尊於時不見箭何所湊佛放
右掌光光照三千大千世界於斯佛土鎮世
鐵山大鐵圍山箭徹其中目連尋光乃見箭

處佛告目連寧見箭乎對曰已見又而告曰
往取箭來時目捷連自現神足一切眾會莫
不見者如勇猛士屈伸臂頃斯須即到鐵
圍山欲拔我箭三千大千世界皆為震動而
箭不搖一切諸會天龍鬼神帝釋梵王靡不
肅驚阿難整服長跪問佛地何故動普世惶

憚佛告阿難憶吾往古賭射放箭箭徹鐵山使目連取盡其神力箭不可拔三千大千世界乃為之動而不能得阿難啓曰惟垂尊援佛即許之援以道力則承聖旨攬拔得箭還用進佛目連白佛云何世尊為菩薩時賭射放箭箭徹鐵山用父母力神足力乎佛告之

曰是父母力非神力也假用神力其箭當達無量無限諸佛世界目連又曰云何菩薩以父母力射箭乃入鐵圍大山道力功德而佐攝取何以為喻佛告目連十凡象力則不如一正象之力十正象力不如一龍象力十龍象力不如一大象力十大象力不如一術事

象力十術事象力不如一青象力十青象力不如一普妙象力百普妙象力不如一大巨象力百大巨象力不如一力士力百力士力不如一大力士力百力士力不如一上力士力百上力士力不如半鉤鎖力士力百半鉤鎖力士力不如一具足力士力百具足力

士力不如一大鉤鎖力士力百大鉤鎖力士力不如一法忍菩薩力百法忍菩薩力不如一究竟菩薩力百究竟菩薩力不如一一生補處菩薩功德之力適生墮地則行七步佛言目連他方世界現在諸佛建立佛土究竟菩薩之所遊處適生墮地行七步者其地下

至六百八十萬由延盡斯下已乃得水界各各分別其水滴如車軋上至梵天承佛威神愍哀衆生世界不損無所燒害究竟菩薩威神勢力巍巍如是十究竟菩薩力不如如來至真等正覺力是謂世尊父母之力其諸菩薩宿命德本所受之決亦非神足道力變化

設使菩薩示現神變功德之力往詣道場坐佛樹下以神足之力一足指舉江河沙等世界先以目前用置殊異無量無限諸佛國土其於衆生無所燒害是為菩薩神德變化足一指力如來神足變化之力復過於是無量無極不可思議假令如來普具示現神變威

力汝等觀之則不能信何況外術衆邪異學
又目捷連菩薩往詣佛樹下時攝四大種立
爲一種已立一種在於世界無有增減於時
弊魔行到道場與無數億百千官屬凶悖難
當如來一切尋摧伏之何以爲一謂平等力
有十力常加大慈哀諸衆生無所毀觸何等

十力有處非處有限無限如審悉知過去來
今如審悉知一心脫門定意正受如審悉知
見諸人根種種別異如審悉知見他群生心
意所念如審悉知若干種身無數形體如審
悉知衆庶所行者好醜不同如審悉知道眼
徹觀終始所趣此沒生彼彼沒生此名字種

姓父母兄弟其身口意行惡誹謗聖賢邪見
顛倒終墮惡趣其身口意行善不謗聖賢正
見奉順終墜善處如審悉知道耳洞聽天人
世間地獄餓鬼蛇飛蠕動蚊行喘息十方諸
佛世界若此言聲亦無音響亦無所著如審
悉知心觀五趣一切本際諸漏已盡無有塵

及一

五

垢終始悉斷神真聖達解名色原如審悉知
是爲十力如來之力復過於此不可思議暢
徹十方無去來今於是離垢威力士從佛世
尊聞斯菩薩父母諸力歡喜踊躍怪未曾有
善心生焉即從座起偏袒右肩長跪叉手白
佛言今我聽受世尊所說爲菩薩時父母之

力及十種力屏除貢高憍慢自大歸命三寶
願發無上正真道意愍傷衆生使獲大安哀
令我得十種諸力如天中天具足無異時會
大衆聞斯力士誓願弘廣滿十千人發無上
正真道意同時舉聲而歌頌曰

僥令我等逮得道力亦如如來至真正覺

於是鉤鎖菩薩白世尊曰今者大聖何故稱
歎等集衆德三昧而便默然惟願如來分別
講演等集衆德定意宣暢菩薩大士諸行使
發意者逮得斯定

佛告力士菩薩初發意者欲至無上正真之
道當受尊定所以者何若初發意受持尊定

尋具普入一切衆德譬如力士川流泉源江河大流悉歸于海所殖功德布施持戒所習平等思惟道慧有漏無漏俗業度世天上人中所立福祚皆來歸湊於初發意菩薩之行是故族姓子族姓女欲攝衆福當發無上正真道意譬如須彌大山鐵圍山雪山黑山諸藥草木及餘叢林州域大邦郡國縣邑并四天下日月運照包在三十大千世界如是力士其凡庶履跡無著緣覺衆祐菩薩如來聖人之德其初發意為菩薩者悉得通入於此福祚以是之故當作斯觀若發無上正真道意則悉該攬於諸德矣

佛告力士譬如四域羣生之類轉輪聖王居為尊上功祚殊勝使四天下衆庶人民福如轉輪聖王之德等無差異合集斯福巍巍之德為一聖王使三千大千世界衆生之德各各皆如轉輪聖王一一聖王使倍三千大千世界衆生之數摠集諸福為一人德使江河

及一

六

沙等諸佛世界所有人民各各履祚如彼一人於鈎鎖意云何寧能限量斯福德乎鈎鎖對曰惟天中天計聖王德不可思議何況一切為轉輪德莫能稱限世尊告曰正使撰合此衆生德無量之祚以比發意菩薩功勳百倍千倍萬倍億倍巨億萬倍計空不及無以為喻是為初發意菩薩等集衆德三昧第一所入

佛告鈎鎖譬諸梵天於千世界悉樂行慈若復有人皆以七寶滿千世界以用布施比千世界梵天行慈之福其德殊勝若三千世界至于五千十千若至百千世界梵天普共行慈若以七寶周徧充滿百千世界以用布施所殖德祚以比百千世界梵天行慈行慈福多不可稱限正使三千大千世界衆生之儔其福德如百千世界梵天行慈行慈心普向于羣萌計其福德比初發意行者所尊慈祚百倍千倍萬倍億倍巨億萬倍計空不

及無以為喻所以者何其初發意志於無上
正真道者德不可限以是之故當作是見當
作是知假使能發大道意者則為具足一切
眾德若族姓子族姓女欲得周滿無量之祚
當發無上正真道意佛言力士是為等集眾
德定意第二所入

及一

七

佛告鉤鎖東方虛空所覆世界空之遠近可
限量乎荅曰世尊無限無量不可計數無有
邊際天中天佛言如何引喻智者解趣十方
世界虛空所覆不可盡極猶若等集眾德定
意福祚功德超彼無量轉加具足為眾生故
以諸道德將護其心以大精進成滿所行假
使有人於此三千大千世界下盡水際上至
三十三天滿中芥子一一芥子為一佛國過
於東方若干佛土著一芥子各各如是令芥
子盡不能窮極東方世界設令江河沙等世
界滿中芥子有人盡取芥子一一破碎各如
江河沙數芥子之限於鉤鎖意云何寧有人

能籌計分別知所破碎芥子數乎鉤鎖荅曰
惟天中天破一芥子所分之限假使智慧如
舍利弗周滿天下閻浮提土一劫之中籌之
計之不能稱量芥子之數何況欲知江河沙
等世界破芥子數設令有人過諸佛土芥子
著一芥子如是之比令彼芥子悉盡無餘東

方世界不可窮極得其邊際南方西方北方
東南方西南方西北方東北方上方下方亦
復如是如是鉤鎖如十方界所有虛空諸佛
國土皆以七寶徧布其中悉令充滿盡用布
施所得功德豈多不乎鉤鎖白佛甚多甚多
天中天無量也世尊告曰其初發意菩薩行
慈之德過於彼施滿于東方無限世界七寶
之福百倍千倍萬倍億倍巨倍萬倍計空不
及無以為喻譬如虛空無有能度得邊際者
菩薩之慈猶如虛空無所不覆菩薩如是所
行大慈所蓋無際譬如眾生受形立體所周
佛土所在世界若干之數菩薩行慈使此羣

萌皆得成就為轉輪王具足功德如釋如梵
 踐祚之數又計菩薩大士建立淨性質直無
 諂欲度衆生住於大哀常行慈愍所行七步
 攝取功勳超諸羣黎為釋為梵轉輪聖王之
 福慶也百倍千倍萬倍億倍巨億萬倍計空
 不及無以為喻是謂等集衆德定意第三所

及一
 八

入佛告鈎鎖三千大千世界一切衆生威神
 功德皆令巍巍如轉輪王如釋如梵功福之
 慶不比發意菩薩之慈正使一切十方衆生
 皆為釋梵轉輪聖王百千億倍不比菩薩行
 大慈哀又使三千大千世界衆生之儔一切
 皆使如清信士所有功績比舍利弗福慧之

明百倍千倍萬倍億倍巨億萬倍不相及逮
 正使三千大千世界滿中人衆如舍利弗智
 慧功德等無有異以方比於緣覺智慧功德
 百倍千倍萬倍億倍巨億萬倍計空不及無
 以為喻縱使三千大千世界遊居衆生一切
 咸具緣覺之德智慧功德等無差持欲比五

劫生行菩薩百倍千倍萬倍億倍巨億萬
 倍計空不及無以為喻是為等集衆德定意
 第四所入

說是經時二萬二千人皆發無上正真道意
 三千大千世界六返震動其大光明普照世
 間億百千妓諸天妓樂不鼓自鳴而雨天華

覆蓋道場紛葩佛上周徧衆會積至于膝釋
 梵四天王天龍鬼神皆歌歎言唯然世尊族
 姓子族姓女心懷至誠而發無上正真道意
 如向大聖所講說者我等稟誼假使不發大
 道意者終不逮成等集衆德定意正受況當
 能致一切功祚無量乎

及一

九

是時離垢威力士白佛言唯然世尊當行何
 法而能成就逮得等集衆德之定乎

佛告族姓子有一法修致斯定何謂一發心
 調習諸通之慧是為一法逮得斯定復有二
 法修獲斯定何謂二若聽聞法諮稟無厭如
 所聽受思察其誼是為二復有三法修獲斯

定何謂爲三消指諸惡勸進善業殖衆德本
是爲三復有四法修獲斯定何謂四禁戒清
淨所見清淨其心清淨智慧清淨是爲四復
有五法修獲斯定何謂五所言至誠志性堅
固其意質朴而無諛諂其心清淨建立無差
常以等心一切衆生是爲五復有六法修獲
斯定何謂六歸附善友遠離惡友捨廢衆會
習寂寞坐順行大慈愍傷衆生是爲六復有
七法修獲斯定何謂七建立寂然分別惟觀
除干報應將御緣起離求所見曉了罪福悉
由牽連導利結礙使至平等入于道誼用道
法故忍於恚罵而無恨心是爲七復有八法
修獲斯定何謂八身行憺怕口言靜默心惟
寂寞觀痛痒察諸法惡本未起而不想念令
不復興惡本盛發隨念蠲除善本未起思順
令滋善本熙隆將養護之是爲八復有九法
修獲斯定何謂九觀過去法而知無常於常
來法而無所生今現在法而無有二逮入三

世而悉平等一切諸法猶如法忍不著於空
分別無相離於所願設使所生有所救護是
爲九復有十法修獲斯定何謂十脫於無我
忍於無命了於無人無常句跡一切所生皆
爲苦患無爲寂然則爲救護離顛倒度衆生
順典誥如所聞法尋即奉行佛告離垢威是
爲十法菩薩所行因此逮得等集衆德三昧
之定

離垢威白佛言菩薩大士積累功效無極大
德乃得逮聞斯定意耳欲決諸德正真之行
當聞斯定欲得獲暢不可思議功祚之福當
聞斯定欲令大寶無有盡耗當學斯定離垢
威復白佛言菩薩大士以何逮得無盡之福

德如大海度不可思議功祚不廢

佛告離垢威菩薩有三事逮無盡福德如大
海度難思議功祚不廢何謂三一曰好喜布
施二曰護持禁戒三曰博聞不倦是爲三彼
族姓子何謂菩薩好喜布施不當貪財不當

以物誘進教化假使有物不肯施與受者不當受其物也設使受者不捨所取不當勸御彼等眷屬設使乞者有所求索發無受心不可勸化國王財寶產養之業屋宇舍宅假使乞者有所求索其心無異又族姓子菩薩大士當發此心我爲一切衆生之故惠施軀命

若有人來欲有所得象馬車服頭目髓腦眼耳鼻口支體手足肌髮肉血隨其所求各各施與心不懷恨忍辱施與既有所施不望其報所可惠捨無所貪慕供給衆生衆生獲恩得給所乏從是已往所欲攝取羣萌之類得佛道時爲說經法令得速解設族姓子若有

菩薩發心如是是謂菩薩不惜身命若沒其體不犯衆惡不害生命以養其身不以命故犯於不善不以財業越毀他人不以眷屬熾盛怨訟鬪諍不危他子以育妻息已所不喜無加於人已知止足則發一心志不喜樂諸不善事況當復犯若干之非除貪嫉棄衆惡

及一

十一

常知止足行於真正無有異心則逮平等逮平等已無有衆邪則獲慈心已習慈心便遇善友已得善友則便得聞寂然之法已聞寂然便建立行已建立行則化衆生化衆生已則便講說立寂然誼假使菩薩不爲衆生不修寂然則不微妙已不微妙不獲道眼不得道眼不至善權不能覩見一切衆生根本所趣是族姓子菩薩好喜行布施者得廣名聞復過於斯不可稱限復次族姓子觀內外法念之一等察其內地及省外地而無有二所以者何是身如草木瓦石之類無異無人無有想念無有堅固四大合成假使有人斷截破壞掇取持去不得自在莫起想念勿得貪身無惜壽命吾不恨彼於其所起恚意也益加慈哀向彼衆生譬如族姓子有大藥樹掘取其根莖節枝葉華實樹不念誰取我根莖枝葉華實亦不念言莫取我根莖枝葉華實其藥樹者一切無念亦無所想亦於衆人

無所恚恨其疾病者服藥則愈如是族姓子
行菩薩者當自觀身四大為家猶如藥樹其
有衆生欲得我身頭眼體節支幹手足髓腦
血肉恣意與之如是族姓子菩薩所施其德
無盡作是施已為慳貪者欲令惠施故勸助
之其貧窮者化示大財其少福者化具足德

未發道意令行菩薩勸誨善本欲令清淨一
切福慶勸化衆生導以清淨以是布施疾近
於道得至無盡何謂布施盡菩薩布施有四
事盡何謂四不好勸助不喜說法願生卑處
樂近惡友是為四復有四行菩薩布施疾近
於道何謂四多所勸助行權方便建立於法

習近善友是為四復有三法菩薩布施不為
虛妄何等為三發菩薩意多所愍哀攝護一
切衆生之類諦受奉行如來敎命是為三菩
薩欲施當建三法何謂三任佛法立精講勸
衆生使存大安是為三菩薩復有二事不為
虛妄誠審布施何謂二大慈大哀是為二菩

又一

十二

薩復有二事有所吝施何謂二慳貪嫉妬是
為二菩薩復有二法布施有所歸何謂二智
慧具足聖達周滿是為二菩薩復有二法布
施有所趣何謂二至無盡慧趣無起慧是為
二菩薩所施有四法何謂四布施等與亦不
想報調定安寂所施具足欲成其道是為四

菩薩所施以是之故自然得趣無盡德海若
有菩薩欲備德海則當習行如是像施精進
之行離垢威力士白世尊曰未曾有也天中
天如今如來分別講說諸菩薩法諸佛經典
之所持護菩薩大士作是行者終不毀失正
達慧德假使有人如是布施功德之福具足
成滿亦當若茲佛言是族姓子審如所云其
有發意行施如斯則便歸趣無盡德海則不
貧匱於聖賢業則致大財此之等類具足法
財則致大富具足七財無極之德致百福相
以莊嚴身為諸羣萌福慶之田以給衆生
爾時世尊告離垢威何謂菩薩戒德之禁護

於禁戒未曾違捨見犯戒者為與悲哀見奉
 禁者遵行堅固淨身三護口四淨心三當順
 奉行此十善事以斯戒法開化他人不自稱
 歎不毀他人不以禁戒而自褒譽亦不以戒
 而自憍慢常以禁戒而自調定不釋節限而
 知止足住於聖賢自護其心見懈廢者不觀

及一

十三

其隙勞來病瘦所施不悔無所希望不以究
 竟行如所言無所侵犯於諸所行生死之事
 無所適莫蠲所求望常近於佛而遵慈心若
 有行慈及無慈者普等救護不失其心不差
 戒品不志餘乘以斯道乘勸發他人無有不
 安不事于天一切遠離諸犯戒禁動不安者

勸慰使安療除狐疑令不懷恨所生之處而
 得自在而無適莫所可遊至無所闕減假使
 所生不以為歎修建精進攝心自檢所行不
 亂學無所樂亦無所畏是族姓子菩薩所行
 戒品之業設危身命終不毀戒不以國故而
 護禁戒不為釋梵天上之尊不為財利報應

之驗故及以眷屬豪貴顏貌衰歎名稱亦復
 不為勢力牀榻坐具病瘦醫藥故而護禁戒
 不倚於天不貪所生不依內外不慕他人不
 冀後世不自著己不著他人亦不貪色痛痒
 思想生死識亦不怙眼耳鼻口身心亦復不
 倚陰種諸入而護禁戒不畏地獄而救濟護

不憚畜生不懼餓鬼不為鬼神不以人間窮
 之厄匱故而護禁戒志惟在於建立佛道若
 聞法者念欲奉行則已効立聖衆之德常欲
 度脫除生老死憂病懊惱勤苦之患而護禁
 戒不以財業而護禁戒欲安衆生隱羣萌度
 黎庶脫播黨樂佛法致差特慕轉法輪將養

聖衆不斷佛教不廢法誨不壞衆議而護禁
 戒也戒定慧解度知見品故而護禁戒應逮
 神通六達之故也所遵之戒不犯不缺不毀
 無有邪業順佛之教無所志失而常平等順
 行三昧智者所歎佛所咨嗟無所乖違隨法
 所化奉行為要其人如是遵常戒品而悉具

足不失菩薩十法之事何謂十然後當得轉輪聖王之位終不差錯脩聖王教奉宣佛道而不放逸臨據帝釋而不邀失常受佛道而不放逸昇生梵天而不詭異在于梵天願欲見佛而不差互常值世尊心懷悅豫所聞經典未曾斷絕聽受佛法未嘗中忘如所聞者

及一

十四

即能奉行識念菩薩聖眾之慧無所忘失辯才無量未曾空乏菩薩之本所願者得所立之事則有報應常為諸佛正士之等不見毀訾其佛弟子疾獲神通具諸敏慧護於禁戒能如是者是為菩薩十法之行不退不轉菩薩大士護斯戒品諸天龍神所共營衛將護歌歎守禁戒者鬼神之眾悉歸奉事龍神悉敬世間人民等而供順諸佛世尊常欲見之諸明智者而俱宗仰愍傷世間而行慈心而為眾生護斯禁戒於是菩薩不歸四趣何等四不歸於懷無閑之處亦不歸於無佛之土不生邪見歸闍塞家亦不墮歸一切惡趣菩

薩若護於戒品者逮獲斯德復有四法無所忘失何等四不忘佛道心不捨佛如所聞法終不中廢不失禪定意念無數無量諸劫菩薩若護於此戒品便逮斯德菩薩復有四法逮得光觀何謂四尋時逮得觀於明法獲致人明毒刀恐懼疾病闍冥之想悉為辟除具

諸功德無能亂者是為四假使菩薩能護禁戒順斯教者趣度十畏何謂十遠離地獄畜生餓鬼貧匱無稱世界魔畏聲聞緣覺所趣寂滅所受胎生諸天人間及龍鬼神捷沓怨阿須倫真陀羅摩休勒諸所恐難毒刀杖火蛇虺師子虎狼諸難度于邪見能護戒品如

及一

十五

是行者菩薩之法是為十免越斯難又族姓子戒立佛法以為光明佛法則立於戒菩薩之道若能奉戒則近定意緣從禁戒得至智慧解脫之行度知見事何謂為戒皆能永脫一切塵勞何謂塵勞罪福所連三界所著斯則塵勞當以何度此諸塵勞無念無想無思

無住而無所行無所興立亦無所惟於一切法而無所求斯則名曰度諸塵勞若族姓子菩薩大士未達塵勞則為無有清淨戒品所以者何正使往至於梵天者自以欲塵假令上至三十三天亦為欲塵以是之故族姓子當作斯觀處三界者則為無有清淨戒品離垢威白佛言設在三界悉塵勞者而世尊云則為不順清淨戒品云何菩薩離於欲塵遠清淨戒住於三界而不黷汙世尊告曰族姓子知乎為菩薩者無身塵勞亦無毀戒亦無所住見衆庶人著於三界故則為犯戒是菩薩以二事故行善權法欲除三垢故處三界善權方便菩薩大士自無塵勞現在三界欲以開化羣萌之類譬離垢威而有男子盡於虛空若書文字觀之悉現寧為難不答曰甚難天中天佛言菩薩所興又難於彼自無塵勞現于三界開化衆生時離垢威而歎頌曰惟天中天菩薩所興具足無極而行大悲

已現脫門轉復反入 所有城郭 教授衆生 罣礙之網 譬如有人身生疾病瘳除所危害非他人也 等無有異如是世尊今日去害近世清淨於道菩薩因此解脫以是之故勸化衆生及諸異學猶斯方便救濟衆生惟天中天菩薩大士發大悲心諸聲聞緣覺所不能及所以者何聲聞緣覺無有大悲善權方便具足之行

等集衆德三昧經卷上

及一

溥首或作溥音軟並是文 鉤鎖上古侯反或作 同誼音義 慷慨下苦安反 憚徒旦反 毅反魚既 閻門限也反 唳移上音 賭音觀 攬拔上音 湊至也音 銓取 也惶悸上音皇驚下音 車軛下音 虯能飛也 屏除餅上音 僥倖而得也 該哀 渠後反 喘反尺 屏除餅上音 僥倖而得也 該哀 渠後反 喘反尺 屏除餅上音 僥倖而得也 該哀

反包也也撰助板儔直流反籌直流反績音子
博正也姪古亥反紛葩下上諛音
反勸也也儻怕音上熙隆音上誥音
同用癯俱懸反肌音撥又竹掘音
胡反誘音肌音撥又竹掘音
又其地也幹音各音匱音掘音
又其地也幹音各音匱音掘音

譽上博毛反隙音勞來音也
也瘦所數適莫音也
也狐疑多疑故曰牀榻音怙音齧音
音般部詭音懷音辟除音
音元又要志聲上平
五官反

等集衆德三昧經卷中

及二

西晉三藏法師竺法護譯

爾時世尊復告離垢威力士言族姓子菩薩
若聞如此行跡當勤奉行云何求聞稟聽尊
長常行恭敬棄捐憍慢言語柔和志性仁調
觀念於法猶如醫藥於師和上設世尊想自

察其身思撰法藥發醫王想於諸衆生為疾
病想若務求法不當愛身不貪命不倚壽不
慕於容被服常好經典以法為本一切所有
施而不吝志利法誼放忽財利將護法寶離
俗所珍以利法故滅除一切世間財賄以法
寶利蠲除凡俗所慕之珍欲除衆生塵勞愛

欲一切之瑕常當慕求正法之典欲度一切
衆生之類皆至滅度便當持護導以正法以
導護正法典者則能普護將養一切所行德
本以是之故假使有人欲求佛道若欲速成
最正覺者欲得豎立於法柱者當學博聞譬
如族姓子須彌山王為天大柱若天上柱則

為巍巍多所覆蓋所在嚴飾於忉利天佛言
如是菩薩大士博覽廣聞則為慧柱所可遊
居天上世間光光巍巍設族姓子若有菩薩
志願佛道我當成佛則當曉了權便博聞常
修精進一切衆生在於邪智則為然設智慧
燈明假使菩薩入博聞時精勤求慧則為具